

欽定書經圖說

第十一冊

卷二十七至
二十九

欽定書經圖說目錄二十七

大誥十二圖

大誥多邦圖

涉淵求濟圖

王遺大寶圖

十獻翼于圖

大事卜吉圖

諸臣阻征圖

害及鰥寡圖

天眷興周圖

王告舊臣圖

父舊子播圖

穡夫終畝圖

率眾東征圖

十場穀子圖

王登大寶圖

永隆永寧圖

大詰多祿圖

大詰十二圖

後漢書藝文志目錄二十一


大誥

周既克商武王乃封紂子武庚于殷故都而命三叔監之武
王崩成王嗣立周公攝行政事管蔡之徒潛結淮奄諸邦覬
覦大位及流言變起公遂避居于東其後感風雷之異迎公
復國三叔懼以武庚叛成王命公率師討之因大誥天下史
錄其詞為篇

經其時嘉祿

大德

大誥多邦圖



王若曰猷大誥爾多邦越爾御事弗弔天降割于我家不少延

洪惟我幼冲人嗣無疆大歷服弗造哲迪民康矧曰其有能格

知天命

猷發語詞多邦謂在內諸侯御事謂在內治事諸臣弔恤也割害也延待也歷國家相傳歷數服五服之地迪

導也

此一幅圖是寫周公奉王命以東征之事大誥于天下也成

王若曰猷朕今大誥于爾庶邦之君與爾治事之臣朕不為

上天所恤致降災害于我邦家使我創業垂統之武王竟棄


天下而不克少待以宗廟社稷之重委託于我深思我以冲

幼之人嗣守此無疆之大業何以安人心何以承天意予一

人既不能造于明哲又焉能導萬民于安康乎夫修己安人

之效本人事之顯然而有可憑藉者也我尚有所未盡況上天之大命其能格而知之乎自古帝王舉事必先誥諭于臣庶者所以昭大公一衆志上承天命下順輿情固非徒為防亂計也

涉淵求濟圖



王遺大寶圖



已予惟小子若涉淵水予惟往求朕攸濟敷貢敷前人受命茲
不忘大功予不敢閑于天降威用寧王遺我大寶龜紹天明即
命曰有大艱于西土西土人亦不靜越茲蠹

已承上語辭已而不能已之意敷布

貢飾也前人謂武王閑遏抑也甯王亦謂武王
紹介紹也天明天之明命蠢無知而動之貌

此二幅圖是寫成王聲罪致討欲求必濟以明天命之不可
違也成王發布詰詞意猶未已因又言曰予惟小子以眇躬
而託于億兆之上當此國步艱難譬若涉彼淵水茫無涯岸
然予之志惟期奮往以求其濟雖犯危涉險在所不辭夫典
章法度王者所以治平天下之具也我欲求所志之必成則
務修明之整飭之以增美廣大我武王之盛業而不忘其定

亂開治之大功彼武庚以天棄之餘孽敢于叛亂是直得罪
于天天固降威以誅滅之我敢阻遏天之威用而不行其征
伐乎昔我又安天下之武王曾以大寶龜遺我子孫以其可
以紹介天命而定其從違方武庚未叛以前即龜之所命亦
嘗曰天將有大艱難之事于我西土凡隸我西土之人皆不
獲安居當時尚不知徵應所在至今日蠢蠢者已動于殷邦
京師之心亦為搖動蓋前日龜兆之言驗矣

十獻翼于圖

成王

周公

民獻

光緒三十一年



大事卜吉圖

校印

金定書經圖說卷之二十一

六



殷小腆誕敢紀其敘天降威知我國有疵民不康曰予復反鄙
我周邦今蠢今翼日民獻有十夫子翼以于救寧武圖功我有
大事休朕卜并吉肆予告我友邦君越尹氏庶士御事曰予得
吉卜予惟以爾庶邦于伐殷逋播臣

腆厚誕大敘緒疵病也民獻謂民之賢者于往救撫

武繼也大事謂戎事休美也尹氏庶官之長庶士衆官逋亡播遷也指武庚及其臣

此二幅圖是寫成王言殷罪之當討並舉吉卜以告羣臣也
成王曰武庚以亡國末裔封之殷土即使聚遺頑合餘燼亦
不過一小小腆厚之邦耳乃大敢紀其覆亡之餘緒欲有所
為不畏天之降威以速其敗滅彼蓋知我國之中近有流言
之疵隙全國之民皆為之擾動而不獲安康也故敢號召于

四國曰予將乘此事機以恢復烈祖成湯之舊業反欲使我周邦仍鄙在西土如先朝之服事殷商也當武庚蠢動之日其明日即有民之賢者十人以願從討逆自效不憚跋涉欲輔翼我以戡定殷邦繼嗣我武王昔日所圖之大功是人心之協應已可概見夫國之大事在祀與戎今我臨此兵戎之大事既獲人心順從之休美恐天心尚未絕殷又決之于卜乃三龜亦并是吉天人協合必勝無疑故予告我友邦之君庶官之長及其庶士與夫治事之人曰天既以此必勝之吉卜告我違天不祥予惟以爾庶邦之衆往伐于殷彼武庚及其遺臣無非逋亡播遷之餘孽其能抗我王師以逃斧鉞之